

Abenduaren 6an San Nikolas, gotzaina

Sarerera-oharra

Egun on guztioi, eta ondo etorri san Nikolas Gotzainaren omenez ospatuko dogun Eukaristia honetara.

Hartu daigun gogoan: arduratzeko egunak bizi doguz (Errusia eta Ukraina gerran, baita Israel eta Palestina ere, beste batzuen artean; gure eleiz-bidea maldan behera; gure seme-alaba-lobak Eleizatik eta sinismenetik aldenduta...). Baina guk Eukaristia ospatu gura dogu, gure aurretikoak eta hildakoak gogoan izanik. Guztiontzat izan daitela onuragarri.

Sarrera-abestia

ZEIN GOZO TA EDER DAN anaiok alkartu
eta danok batera Jainkoa goratu.

*¹ Gora bihotzak eta guztiok egin kantu
Jainkoak bere eskuz salbatuko gaitu.*

*² Zabal gogoak Jaunaren hitza entzuteko
bere nahia jakinik zuzen ibilteko.*

Irakurgaia

Ba ete dakigu zelango ondasunen jabe garan? Espiritu-bizitza behar da horretarako, eta barru-bizitza lantzea. Begira ze gomendio egiten deuskun apostoluak.

*Gai egiten ditu fededunak euren zerbitzu-lanerako
eta Kristoren gorputza eraikitzeko.*

**San Paulo Apostoluak Efesoarrei egindako
epistolatik Ef 4, 1-7. 11-13**

Senideok: bizi zaitezela hartu dozuen bokazinoari dagokionez. Izan beti apal, Nik, Jaunagaitik preso

nagoan honek, eskatzen deutsuet, otzan eta jasankor, alkar maitekiro eroanez. Ahalegindu zaiteze Espirituak sortzen dauan batasunari eusten, bakearen lokarriz.

Bat bakarra da gorputza eta bat bakarra Espiritua, Jainkoak egin deutsuen deiari dagokion itxaropena be bat bakarra dan lez. Bat bakarra Jauna, bat bakarra sinismena, bat bakarra Bateoa; bat bakarra guztien Jainkoa eta Aita, guztien gainetik dagoana, guztien bidez diharduana eta guztiengan bizi dana.

Gutariko bakotxak Kristok emon nahi izan deutson neurrian hartu dau dohaia. Berak apostolu egin ebazan batzuk, beste batzuk profeta, beste batzuk Barri Onaren iragarle, beste batzuk artzain eta irakasle; holan gai egiten ditu fededunak euren zerbitzu-lanerako eta Kristoren gorputza eraikitzeko, harik eta guztiok Jainkoaren Semearen sinismen eta ezagutza berbera izatera heldu arte, heldutasun beteko pertsona, Kristoren betetasunaren neurriko pertsona, izatera heldu arte.

Jaunak esan

Erantzun salmoa (Sal 23 [22], 1-3. 4. 5. 6 (R/. 1))

Deslai gabilz, bakotxa bere arduetan galduta, eta kexati. Artzain on bat behar dogu.

R/. Jauna dot artzain, ez naz ezeren beharrean.

Jauna dot artzain, ez naz ezeren beharrean;
larre gurietan etzunazoten nau,
ur-bazter nasaira eroaten
eta indarrak deustaz barritzen;
bide segurutik naroa,
bere izenari ohore eginez. R/.

Ibar baltz ilunean banabil be,
ez naz gatzaren bildur,
Zu neugaz zagoz-eta;
zure artzain-makilak nasaitzen nau. R/.

Mahaia atontzen deustazu
arerioen begi-bistan;
orioz igurzten deustazu burua,
gainezka dot edontzia. R/.

Zoriona eta maitasuna ditut lagun,
bizitzako egun guztietan,
eta Jaunaren etxean biziko naz
amaibako egunetan. R/.

Ebanjelioa

Egingo bageutso jaramon Jesusi, handikeria barik
bizi izango ginateke, alkarren errespetuz eta alkarren
laguntzan. Egin deiogun harrerea Aleluia abestuz,
zutunik.

HERRI-OTOITZA (ESKARIAK)

Eskariak ez dira guk gura eta ezin doguna Jainkoak
egin daian, harek ze egintzetara bialtzen gaituan
gogoratu eta indar hartzeko baino:

—Eleizearen alde: gaurkotzen ahalegindu daiten,
eta pobreak bere altzoan hartzen, *eskatzen deusugu,
Jauna*.

—Behartsuek euren aldarria entzuna aurkitu daien
beharrizanetatik urten ahal izateko, *eskatzen
deusugu, Jauna*.

—Hildako gure senideak gogoratzuz, gure sinismena
bizkortu dagigun otoitzera hurreratuz, *eskatzen*

deutsugu, Jauna.

—Eukaristiarako alkatu garanok beharrianetara zabalik bizi izan gaitez, eurretan gure ahalmenak garatuz, *eskatzen deutsugu, Jauna.*

Jainko Aita: beti aurkitzen gaituzu eskale eta kexati. Emoiguzu, gugan ezarri dozuzan ahalmenak garatzea, zerbitzari izanik pozik bizi izateko. Jesu Kristo gure Jaunaren bitartez.

—Amen.

JAUNARTZEAN

HONA BILDOTS EZTIA egiazko ogia zerutik da jatsia Jainko maitia.

¹ *Gure Artzain ona ta Egilea Aitarik maiteena, zeru-emoilea.*

² *Hostian zaozala dogu sinisten zeruan bezela hor gu maitatzen.*

³ *Maitatuko zaitut orain lurrean gero maitatzeko zeru ederrean.*

⁴ *Zinez gurtzen zaitut Jesus maitea arren emoidazu goi-sinistea.*



Azken agurra

Ospatu dogunetik, hauxe ikasi dogu: besteengandik hartzean baino poz eta zorion handiagoa aurkitu geikela geuretik emonez. Eskertu daigun, ba, gaur hartuko doguzan zerbitzuak, eta ahalegindu gaitez

ondokoaren laguntzan. Alkar zoriontzeko gauza izan gaitezala.

Azken abestia

ESKERRIK ASKO, JAUNA bihotz-bihotzetik
Eskerrik asko Jauna, orain eta beti.

¹ *Eskerrik asko, Jauna, gudan zaudelako
eta zure biziarekin bizi garelako.*

² *Zure antzera, Jauna, gaitezela ibili
zure antzera, Jauna, on eginez beti.*